

03. 06. 26
11. 06. 26

BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
OPĆINSKI SUD U GORAŽDU
Broj: 45 0 L 049627 25 L
Goražde, 28.05.2026. godine

OPĆINSKI SUD U GORAŽDU, sudija Muris Tatarin, postupajući u likvidacionom postupku nad privrednim društvom "Emko" d.o.o. Goražde, zastupan po zakonskom zastupniku direktoru Kulović Elmedinu, a ovaj po punomoćniku Mašić Muameru advokatu iz Goražda, podnesenom po prijedlogu osnivača Društva, dana 28.05.2026. godine donio je slijedeće:

RJEŠENJE

1. Zaključuje se likvidacioni postupak nad privrednim društvom "Emko" d.o.o. Goražde, sa sjedištem u Goraždu, ulica Ibri Čelika broj 44, MBS: 45-01-0019-23.
2. Likvidator Amra Alajbegović-Orić iz Sarajeva razrješava se dužnosti likvidatora.
3. Po pravosnažnosti ovog rješenja, navedeno pravno lice brisat će se iz registra poslovnih subjekata Općinskog suda u Goraždu, gdje je upisano.
4. Ovo rješenje ima se objaviti u "Službenim novinama Federacije BiH".
5. Troškovi likvidacionog postupka padaju na teret predlagača.

Obrazloženje

Rješenjem ovog suda br. 45 0 L 049627 25 L od dana 26.09.2025. godine pokrenut je postupak likvidacije nad pravnim licem "Emko" d.o.o. Goražde. Oglas o pokretanju likvidacionog postupka objavljen je u "Službenim novinama F BiH" broj 76/25 od 03.10.2025. godine, kao i na oglasnoj tabli suda dana 08.10.2025. godine

U ostavljenom roku od 30 dana od dana objavljivanja oglasa niko od povjerilaca nije prijavio potraživanje, pa je sud imajući u vidu tu činjenicu i nakon izjave likvidatora da pravno lice nema imovine, dugova, niti povjerilaca, odlučio zaključiti likvidacioni postupak, a u smislu člana 14. Zakona o likvidacionom postupku F BiH ("Službene novine" F BiH br.29/03), te razriješiti likvidatora njegove službe.

Odluka o brisanju pravnog lica u svim javnim registrima koja se ima provesti po službenoj dužnosti po pravomoćnosti ovoga rješenja donesena je u skladu sa članom 15. istog Zakona, a odluka o troškovima likvidacionog postupka zasniva se na odredbi člana 10. Zakona o likvidacionom postupku F BiH.

Likvidacioni sudija
Muris Tatarin

Pouka o pravnom lijeku:

Protiv ovog rješenja može se izjaviti žalba Kantonalnom sudu u Goraždu u roku od 8 dana od dana objavljivanja. Žalba se podnosi putem ovog suda u tri primjerka.